

ხელშეკრულება სახელმწიფო შესყიდვის შესახებ №

ხელშეკრულების პირობების საბოლოო ვარიანტი შესაძლოა დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში

ელექტრონული ტენდერი აუქციონის გარეშე № NAT-----

დაბა შუახევი

-----2021 წელი

ერთის მხრივ, შუახევის მუნიციპალიტეტი ----- და მეორეს მხრივ, ----- (შემდგომში მიმწოდებელი) სახელმწიფო შესყიდვების ერთიანი ელექტრონული სისტემით გამოცხადებული აუქციონის გარეშე ელექტრონული ტენდერის (NAT----) შედეგებისა და პრეტენდენტის, (სახელი) სატენდერო წინადადების საფუძველზე, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და „მიმწოდებელს“ შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაუხადოს შემსყიდველმა ორგანიზაციამ „მიმწოდებელს“, მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელიც ახორციელებს საქონლის მიწოდებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს;
- 1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი;
- 1.7 „ტექნიკური დოკუმენტაცია“ – მიმწოდებლის მიერ აუქციონის გარეშე ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2. ხელშეკრულების ობიექტი და კლასიფიკატორის კოდი

- 2.1 გარე განათების დეკორატიული ბოძები და შესაბამისი ზესადები დასატანებელი ნაწილები (ანკერ-ჭანჭიკი ქანჩით).
- 2.2 ხელშეკრულებით გათვალისწინებული საქონლის აღწერა მოცემულია ფასების ცხრილში, რომელიც წარმოადგენს ხელშეკრულების განუყოფელ ნაწილს.
- 2.3 კლასიფიკატორის კოდი: 34928510 - ქუჩის/გარე განათების ბოძები

3. ხელშეკრულების ღირებულება

- 3.1 ხელშეკრულების ჯამური ღირებულება საქართველოს კანონმდებლობით გათვალისწინებული გადასახადების ჩათვლით შეადგენს: ----- ლარს.

4. ხელშეკრულების შესრულების კონტროლი

- 4.1 ხელშეკრულებით გათვალისწინებული პირობების შესრულების კონტროლი განხორციელდება შუახევის მერის ბრძანებით შექმნილი კომისიის მიერ
- 4.2 „მიმწოდებელი“ ვალდებულია საკუთარი რესურსებით უზრუნველყოს „შემსყიდველი“, კონტროლის ჩატარებისათვის აუცილებელი პერსონალით, ტექნიკური საშუალებებითა და სხვა სამუშაო პირობებით. იმ შემთხვევაში, თუ „შემსყიდველი“ კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით „შემსყიდველი“.
- 4.3 შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ სიტყვიერად, შემდეგ კი წერილობით აცნობებს „მიმწოდებელს“ დაწუნებული საქონლის ნაწილის წუნდების მიზეზ(ებ)ის მითითებით.
- 4.4 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

5. საქონლის მიწოდების პირობები და ვადა

- 5.1 „მიმწოდებელი“ ვალდებულია უზრუნველყოს ფასების ცხრილსა და ესკიზში მოცემული პარამეტრების და ვიზუალის შესაბამისი **161 ცალი** გარე განათების (ახალი ლითონის მილისგან დამზადებული) დეკორატიული ბოძი

5.2 მისაწოდებელი საქონელი უნდა იყოს ახალი, ხარისხობრივად უნაკლო და უნდა აკმაყოფილებდეს ფასების ცხრილით მოთხოვნილ პარამეტრებს, ხოლო მიწოდებული საქონლის წუნის აღმოჩენის შემთხვევაში „მიწოდებელი“ ვალდებულია საკუთარი ხარჯებით, 1 დღის ვადაში უზრუნველყოს წუნდებული საქონლის ახლით შეცვლა.

6. გარანტია

6.1 მიწოდებული საქონლის საგარანტიო ვადა განისაზღვრება მიღება-ჩაბარების აქტის გაფორმებიდან მინიმუმ 3 (სამი) თვით (გარდა მექანიკური ზემოქმედებით ან არასწორი ექსპლუატაციით გამოწვეული დაზიანებისა). წუნის შემთხვევაში „მიწოდებელი“ ვალდებულია განახორციელოს რეაგირება არაუმეტეს 24 საათისა, საჭიროების შემთხვევაში გამოცხადდეს „შემსყიდველთან“ და საკუთარი ხარჯებით უზრუნველყოს ხარვეზის აღმოფხვრა ან საქონლის ახლით შეცვლა.

7. შესყიდვის ობიექტის მიღება-ჩაბარების წესი

7.1 „შემსყიდველი“ შესყიდვის ობიექტს მიიღებს ხელშეკრულებით გათვალისწინებული ფაქტიურად მიწოდებული საქონლის შესაბამისად.

7.2 „მიწოდებლის“ მიერ მიწოდებული საქონელი მიღებულად ჩაითვლება მიღება-ჩაბარების აქტის დადასტურების შემდეგ.

7.3 მიღება – ჩაბარების აქტში მითითებული უნდა იყოს: მიწოდებული საქონლის დასახელება, რაოდენობა და ღირებულება.

7.4 ფაქტიურად შესყიდვის ობიექტის მიღების დამტკიცებას შუახვევის მერიის შესაბამისი უფლებამოსილი სტრუქტურული ერთეულის დადასტურების საფუძველზე ახორციელებს-----

8. ანგარიშსწორება

8.1 ანგარიშსწორება განხორციელდება მიღება-ჩაბარების აქტის საფუძველზე ხელშეკრულებით გათვალისწინებული მისაწოდებელი საქონლის სრულად მიწოდების შემდეგ, რომელსაც უნდა დაერთოს:

ა) ფაქტიურად მიწოდებული საქონლის დასახელება, რაოდენობა და ღირებულება;

ბ) მიწოდებული საქონლის შესაბამისად ამოწერილი სასაქონლო ზედნადები ან დღგ-ს ანგარიშფაქტურა (გადამხდლობის შემთხვევაში).

8.2 ანგარიშსწორების ფორმა: (გადარიცხვა) ლარებში.

8.3 ანგარიშსწორება განხორციელდება ხელშეკრულებით გათვალისწინებული საქონლის სრულად მიწოდების შემდეგ, დამადასტურებელი დოკუმენტაციის წარმოდგენიდან არაუგვიანეს 10 (ათი) სამუშაო დღის ვადაში.

9. ხელშეკრულებაში ცვლილების შეტანა

9.1 ხელშეკრულების დამდებ არც ერთ მხარეს არა აქვს უფლება შეიტანოს ცვლილებები მეორე მხარესთან შეთანხმების გარეშე.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია არა უგვიანეს 3 (სამი) სამუშაო დღისა (ხელშეკრულებით გათვალისწინებული საქონლის მიწოდების ვადის გასვლამდე) წერილობით შეატყობინოს მეორე მხარეს შესაბამისი ინფორმაცია.

9.3 ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველი“ ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

9.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართი-შეთანხმების სახით, რომელიც ჩაითვლება ხელშეკრულების განუყოფელ ნაწილად.

10. ქვეკონტრაქტორები

10.1 პრეტენდენტმა წერილობით უნდა აცნობოს შემსყიდველს მოცემული ხელშეკრულების ფარგლებში, ყველა ქვეკონტრაქტორთან დადებული ხელშეკრულების შესახებ და მიიღოს მისგან წერილობითი თანხმობა;

10.2 ქვეკონტრაქტორი კომპანია ან კომპანიები არ უნდა იყვნენ რეგისტრირებული სახელმწიფო შესყიდვებში მონაწილე არაკეთილსინდისიერ პირთა რეესტრში – „შავი სია“; წინააღმდეგ შემთხვევაში მიწოდებელს შეუწყდება ხელშეკრულება და დაჯარიმდება ხელშეკრულებით გათვალისწინებული სანქციების შესაბამისად.

10.3 ქვეკონტრაქტორ(ებ)ზე წარმოდგენილი იქნას შემდეგი სახის ინფორმაცია: მისაწოდებელი საქონლის დასახელება ღირებულებით და ქვეკონტრაქტის ასლი;

10.4 ქვეკონტრაქტორ(ებ)ზე უფლებების გადაცემით მიმწოდებელი არ თავისუფლდება ხელშეკრულებით ნაკისრი ვალდებულებებიდან.

10.5 ხელშეკრულების ფარგლებში ყველა ქვეკონტრაქტორთან დადებული ხელშეკრულების ასლი უნდა წარედგინოს შემსყიდველს.

11. ხელშეკრულების შესრულების შეფერხება

11.1 თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყონებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოძწევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებულ აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების (დანართი-შეთანხმება) შეტანის გზით.

12. მხარეთა უფლება-მოვალეობები

12.1 „შემსყიდველი“ უფლებამოსილია ხელშეკრულების მოქმედების ვადის დასრულებამდე ნებისმიერ დროს მოითხოვოს „მიმწოდებლისგან“ მისთვის საჭირო ინფორმაცია

12.2 „შემსყიდველი“ ვალდებულია უზრუნველყოს „მიმწოდებლის“ მიერ მიწოდებული საქონლის ღირებულების ანაზღაურება ხელშეკრულებით გათვალისწინებული ვადების და პირობების დაცვით.

12.3 „მიმწოდებელი“ უფლებამოსილია მოითხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

12.4 „მიმწოდებელი“ ვალდებულია დროულად და კეთილსინდისიერად შეასრულოს ხელშეკრულებით ნაკისრი ვალდებულებები.

13 ხელშეკრულების პირობების შეუსრულებლობა, ხელშეკრულების შეწყვეტა (საჯარიმო სანქციები, ფორმა, ოდენობა)

13.1 ხელშეკრულების დამდები ერთ-ერთი მხარის მიერ ხელშეკრულების პირობ(ებ)ის შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული ნაწილის მოქმედების შეწყვეტის შესახებ.

13.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს დაუყოვნებლივ, გადაწყვეტილების ძალაში შესვლამდე.

13.3 ხელშეკრულებით ნაკისრი ვალდებულებების არაჯეროვნად შესრულების შემთხვევაში, მხარე რომელმაც არაჯეროვნად შეასრულა ხელშეკრულებით ნაკისრი ვალდებულება, დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების საერთო ღირებულების 0,02%-ის ოდენობით.

13.4 იმ შემთხვევაში, თუ ხელშეკრულების 13.3 პუნქტით გათვალისწინებული პირგასამტეხლოს ოდენობა მიაღწევს მთლიანი სახელშეკრულებო ღირებულების 0,2%-ს, მხარეს, რომლის მიმართაც არ შესრულდა ნაკისრი ვალდებულებები, უფლება აქვს ცალმხრივად შეწყვიტოს ხელშეკრულება, თუკი არ იარსებებს უახლოეს პერიოდში (არაუმეტეს 10 კალენდარული დღეში) ხელშეკრულების პირობების შესრულების დამადასტურებელი საბუთი (ინვოისი, კონოსამენტი, ავიაზედდებული და აშ).

13.5 ხელშეკრულების კანონით დადგენილი წესით სრულად შეწყვეტის დადასტურების შემთხვევაში, მხარე რომელმაც არ შეასრულა ნაკისრი ვალდებულებები, გადაიხდის პირგასამტეხლოს, სახელშეკრულებო თანხის 20%-ის ოდენობით.

13.6 ხელშეკრულების პირობების შეუსრულებლობისათვის, „მიმწოდებლის“ დაჯარიმების შემთხვევაში, შემსყიდველი იტოვებს უფლებას ურთიერთშეთანხმების შემთხვევაში, ფაქტიურად მიწოდებული საქონლის ასანაზღაურებელი თანხიდან, საჯარიმო სანქციების თანხა პირდაპირ გადარიცხოს არასაგადასახადო ანგარიშსწორების ერთიან ანგარიშზე სახელმწიფო ხაზინაში.

13.7 საჯარიმო სანქციის გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.

14. დაუძლეველი ძალა

14.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისგან, თუ აღნიშნული გამოწვეულია დაუძლეველი ძალისზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულებლობის შესახებ;

14.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო სამუშაო დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

14.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

15. სადავო საკითხების გადაწყვეტა

15.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს, საქართველოს მოქმედი კანონმდებლობის შესაბამისად.

16. შეტყობინება

16.1 ნებისმიერი შეტყობინება, რომელსაც წინამდებარე ხელშეკრულების მიზნებისთვის ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის სახით, წინამდებარე ხელშეკრულებაში მითითებული მეორე მხარის ელექტრონულ (ელექტრონული ფოსტა) ან ფაქტიურ მისამართზე. ოპერატიული კავშირის დამყარების მიზნით მხარეები თანხმდებიან, რომ წერილობით შეტყობინებად ასევე მიჩნეულ იქნება ერთი მხარის მიერ მეორე მხარისათვის ფაქსის ან ელექტრონული ფოსტის მეშვეობით გაგზავნილი შეტყობინება, იმ

პირობით, რომ აუცილებლობის შემთხვევაში შეტყობინების ორიგინალი შემდგომში წარედგინება მიმღებ მხარეს

16.2 შეტყობინება შედის ძალაში ელექტრონული ფოსტის გაგზავნის დღეს, ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

17. ხელშეკრულების მოქმედების ვადა

17.1 წინამდებარე ხელშეკრულება ძალაში შედის ხელშეკრულების თავში მითითებული თარიღიდან და 1 თვით აღემატება ხელშეკრულებით გათვალისწინებული საქონლის მიწოდების ვადას, გარდა მე-6 მუხლის 6.1 პუნქტით გათვალისწინებული მოთხოვნისა.

17.2 ხელშეკრულება შედგენილია ელექტრონულად ერთ ეგზემპლარად, რომელთაგან ყველა ელექტრონულ ასლს აქვს თანაბარი იურიდიული ძალა და ხელმისაწვდომია <https://tenders.procurement.gov.ge/> სისტემაში შემსვლელი ნებისმიერი პირისთვის.